

Ἐκάτι Πῶλ ντά Bo Hibru

Yesu achá baremé kep̃inti abhen nku nsí

¹ Ndũ mpok ane áfuéré ansem, Mandem áfùet nyaka ntá baremé kep̃inti bhi ndu berem kepi ntá bachĩmbi bhese. Aká nò ndõj ne ndõj ne ndũ beyã babhi. ² Ke ndũ manywõp ane echõj, ané achí kekwoť ne ngwenti mmik, afuét chi ntá Mõywi ke ãrèm kepi ntá yese. Yí ke Mandem ákù bé ámbák mmu ane menyij menkem bébhõjõ bebhak ebhi. Ne afuét chí ntá yi ke ãghoko yẽntiki enyij. ³ Yí amúét kě keném Mandem kětõj krojorõj ne enyũ mmu Mandem achi, nkúbhé enyu mmu wu ke yi achi. Eyõj eyi ebhõj betaj ne yõ ke yi ásõt bekem mmik nkem. Mpok yi ánájá beku enyij ene ékù Mandem amfojori bebú bho be mámbák pépép besí bhi, akó amfay achõkõ ebhẽ awónem Mandem mmu ábhõjõ betaj menkem.

Mmõ Mandem abhõj betaj menkem

⁴ Ndu echi nò, Mandem akù bé Mõywi ánychá boángel nkúbhé mbõ enyũ nnyén enen yi áchyé yi necha enen boángel. ⁵ Yẽ ángel apú ane Mandem ághátí yi be, “Wõ, õchí Mõwa, ne echõj nchí rem be ndõp Etaye.” Ne yẽ chí béréme be, “Chõj mbak Etayi ne ómbak Mõwa”, abhíkí rem ntá boángel. ⁶ Ne yẽ chí mpok Mandem átó Mmõ mbi ywi fá amik, arem chí bé boángel abhi mankem mányché Mõywi kenókó. ⁷ Èti boángel, yi ãrèm bé ákù bõ mambak mbõ mbúép, ákù bõ betok abhi mámbák mbõ bárí-ngo. ⁸ Ke ntá Mõywi arem chi be, “È Mandem, kefõ eke kébhíkí bhõj ngwenti. Mpok ókèm bõbhẽ, ókù nò enyu ene echí

chak. ⁹ Ɔkɔŋ menyɪŋ ebhɛ́n bechí chak ne ɔpap epɪŋ ene bo bapu bhɛ̀ere bebhé. Me Mandem ywe nkɛ́ ye wɔ ɔmbóŋ maɲák mbɔnyune nchyé wɔ kenókó ekén kéchá eken mamɛ̀ere bhe mankem.” ¹⁰ Mandem apɛt arem ntá Mɔ́ywi be, “Wɔ, Acha, ke ɔghókó mmik ndũ nebhɔ̀net. Ne yɛ̀ntiki enyɪŋ ene echi amfay, chí awɔ-betik aywe. ¹¹ Menyɪŋ ebhen menkem béfɛ̀ère fɛ̀et, ke wɔ ɔbhíkí bhɔŋ ngwenti. Chɔŋ bó menkem ménkɔk mɛ̀ndɔp mbɔ besi nden. ¹² Chɔŋ ɔmpɛt bhó ɔmfere mbɔ besí nden ebhen mmu áwùpsi, ke wɔ ɔchí enyumɔt mpoknkem, ne nepém ene nebhíkí bhɔŋ ngwenti.”

¹³ Ke ntiki ángel Mandem ánánɔ ághátí yi be, “Chókó fá ebhɛ́ awónem awa kpate nkɛ́ bɔmpap abhe mándɔp mbɔ enɔk ene ɔnyàŋa bekaak are?” ¹⁴ Pú bó mankem bachi chi befóŋó ebhen békɛ̀ betik ebhi ne Mandem átò bhɔ be mankwak bɔ abhen yi ábhóŋó bereme?

2

Bo báké rɔ mbɪ nepém máném ebhi

¹ Ndu echi yɛ́ nɔ, sébhɔŋ besɔt mpok sémbɛ̀ere menyɪŋ ebhen sɛ́nánɔ séghókó be séké rɔ bhɔ senem ebhi. ² Tɛ̀ndu menyɪŋ ebhen bɔángel bareme bechi nyaka tetɛp, ne yɛ́ agha ane abhíkí bhɛ̀ere bhɔ ne mmu ane átàn ntí, abhɔŋ nyaka ntɛmsi ane ákwáy ne yi, ³ ná sékwày bebɛ̀e ntɛmsi ane átɔ̀wɔ mbák sémbɔyak eremé nepeme ane Mandem áyàn bépémé bhese? Mbɔŋ Yesu Acha ke áyámbi berem kpoŋoroŋ ɛ̀ti nepeme ane Mandem ápème bho, ke bo abhen bághókó bákɛ́ bese sendɪŋi be echi tetɛp. ⁴ Mandem are tɔŋ berɪŋ, ankɛ́ nɔkɔ menyɪŋí maknkay menyɪŋ ne menyɪŋ ndu betɔŋ nkɔ̀wɔ bé bechí tetɛp. Are fɛ̀ét nkɔ̀wɔ ndũ akap ane Ɔfóŋó Bedyere áchyè bho, békóŋo nkaysi yi.

Yesu ke atɔŋ bese mbi nepém

⁵ Puyě ntá bǝángel ke Mandem áchyé betan amfay mmik ane sérèm né be átwò ansem. ⁶ Básiη nebhuérfu amem Ekáti Mandem be, “Mandem Acha, nkwaηwan chí agha ane óre kaysi yi? Mmu ane áfú ntá Mandem chi agha ane óre fyε ntí ne yi? ⁷ Ndü mómbiηí mpok, óséptí yi be bǝángel máncha yi. Oku ye yí ámbóη keném ne kenókó mbǝ mfo. ⁸ Okhyé yi betan amfáy yěntiki enyiη.”

Berem be báchyε yi betan amfáy yěntiki enyiη étòη be yěnyiη ébhíki rǝp ene epu antené-yi. Ke sébhíki re ghǝ be yěntiki enyiη echi antené-yi. ⁹ Ke séghò Yesu mmu bákú bǝángel máncha yi ndü mómbiηi mpok. Báchyé yi keném ne kenókó mbǝ mfo éti esǝηǝri newú. Chi éti berǝndu Mandem ke yi ágú éti bo mankem. ¹⁰ Mandem ke ághókó yěntiki enyiη ne yěntiki enyiη echi ntá yi. Ndu áyàn nyaka be beyá bho mámbóη mbi bebhak bǝbhi ne mámbóη keném, eri nyaka be yi mmu ánéné bho mbí wu ámfuét ndü esǝηǝri be ankwáy ndü yěntiki mbi mbǝ mmü ane ákù bǝ mámbóη nepém. ¹¹ Yesu mmu ákù bo mambák pépép besí Mandem abhǝη chi amǝt ne bo abhen yi ákú be mambák pépép. Éti yǝ, yi ábhíki bhǝη ntíanwǝp ndu bebhini bǝ be, “Bǝma.” ¹² Yi arem ntá Mandem be, “Chǝη ndem éti ye ntá bǝmaya mpok bǝbhe báchémé ndü nebhuet amǝt, nte besí bhap nchyé wǝ bakak.” ¹³ Apet arem be, “Chǝη nsiki nti ne Mandem.” Ne be, “Ghó mé né, ne bǝ abhen Mandem achye me.”

¹⁴ Těndu bǝ abhen yi areme nǝ éti yap báchí bak-waηwan, mbǝη Yesu ayíbhíri nyaka arǝp nkwa. Aku nó bé ámfuét ndü newú anchǝηti betan ebhen mmü ane ábhóηó betaná newú, nǝ chi Satan. ¹⁵ Enyu eyǝ ke yi ákway nyaka beferε bho ndü becháy newú. Báchí nyaka basem ndü becháy ebhǝ ndü nepém enap nenkem. ¹⁶ Sérini be atwǝ nyaka bekwak chi bebhárebhǝ Ábraham, puyě

bə́ángel. ¹⁷ Abhə́ŋ ye berəp nyaka mbə bhəse bakwə́ŋwə́ŋ ndu yěntiki mbi, bé ámbák mǔngo bachiăkap ane ábhùre bariəp ami besí Mandem ndu betik ebhi ne be ánkway bechye akap éti bebú bō mankem. ¹⁸ Těndu yímbəŋ ánánj ábhónj nyaka esəŋəri ne mamə, abhə́ŋ mbi bekwak abhen mamə átwə́ ntá yap.

3

Yesu acha Moses

¹ Bōma, be bho băchi nyánj, mmu ane achi amfay abhínj be be mǎmbak bōbhi. Kaysí ye ka mmu ane Yesu achi. Yi ke Mandem áto mbə mǔngo bachiăkap ane menyinj ébhen sénókó, mbənyu séghàti bho kponorəŋ. ² Ábhùre nyaka bariəp ami besí Mandem mmu áyábhé yi be ambak mǔngo bachiăkap ne mǔnto nkúbhé mbənyu Moses nkwo achi nyaka mmu ane ábhùre bariəp ndū betik ebhi amem ekere Mandem. ³ Yesu ke Mandem ásóré be abhə́ŋ bebəŋ kenókó ancha Moses, nkúbhé mbə enyū mmu ane áte eket ábhónj kenókó acha eket ene yi ate. ⁴ Mmu ke áte yěntiki eket, ke Mandem ke ághókó menyinj menkem. ⁵ Moses achí nyaka mmū tetep ndu betik ebhi mbə mübetok amem ekere Mandem. Betik ebhi béte ndū menyinj ebhen Mandem ábhónj nyaka beku bo mándinj ansempok. ⁶ Ke mbák chi Kristo, ákem eket Etayi ne nti nemət mbə Móywi. Ne bese bō Mandem séchí bo eket eyi enkem mbák sénté kpirí ndu menyinj ebhen sésíkí nti ne sébháka nti are ne sédèp awə anti be chəŋ sémbəŋ bə.

Bō Mandem ne nneywēmæt enen yi áchye

⁷ Băbhəŋ ye beghok enyinj ene Efónj Bedyere árəm mbə enyū echí amem Ekáti Mandem be, “Echəŋ, mbák mǎngok Eyəŋ eyi, ⁸ bǎké gwət bati amem mbənyu bachĩmbi bhəka bágwóré nyaka bati yap ne Mandem mpok bágħàp amem

baso. Bátàŋnti ne me ne, mamə me. ⁹ Mámó me amem baso enyu eyə, ne bágħó menyij ebhen nkú néntí enap ndũ mamié besa bepay. ¹⁰ Ěti yə nti nébé me ne mkpáká bobhə, ndem be, ‘Batĩ yap ápòkə bhə ebhi mpoknkem, ne bábħíkí riŋi mbi wa.’ ¹¹ Njiki ndũ beběnti be, ‘Bápú kway bechwe ndũ neywěmuet ena wáwák.’”

¹² Bǒma, sət ka mpok be ndũ nkwo yweka, yě mmu áké bhak ane ábhóŋó ebéptí nti, ne akeka bésíki nti ne Mandem, ényu ené yi arə mbi Mandem mmu achí nepém.

¹³ Semtí nókó ka bati yěntiki nywəp be bebú beke rwo mmũ yweka ántàŋnti ne Mandem. Kə ka nə, yěntiki mpok, ené nywəp néchák nébhúét enén bábħiŋi be, “Ěchəŋ.”

¹⁴ Sébhəŋ ákóré ndũ enyij ene Yesu Kristo ákú nta yese mbák séndók ambi bete kpirí ndũ nesikínti enen sébhóŋó nyaka ne yi ndũ nebħənet. Sébhəŋ beka nə te ndũ ngwenti. ¹⁵ Báké ghəkəntik enyij ene bárémé nyaka be,

“Ěchəŋ, mbák mǎngok Ěyəŋ eyi báké gwət bati amem mbə enyũ bachĩmbi bhəka bátàŋ nyaka ntí ne Mandem.”

¹⁶ Bə agha bágħókó nyaka Ěyəŋ Mandem yě nə, bátàŋ nti? Pú bo Moses abhen yi áfú nyaka etək Íjip ne bhə?

¹⁷ Bə agha bákú nyaka Mandem ambe nti ndũ mamié besa bepay? Pú bo abhen bákú bebú, ne bágú amem baso? ¹⁸ Ne

mpok Mandem áyíkí arem be, “Bápú kway bechwe ndũ neywěmuet ena wáwák”, ntiki bho yi árémé nyaka nə ěti yap? Pú bǒ abhen bápú ghok nyaka yi? ¹⁹ Séghə ye be bápú kway nyaka bechwe ndũ neywěmuet Mandem mbənyune bábħíkí noko nyaka yi.

4

¹ Bariəp amen Mandem afyé tesáy be chəŋ bǒbhi mǎnchwe ndũ neywěmuet eni abhúét. Sebħəŋ ye besət mpok be yě mmu yweka ake bhak ane bárem ěti yi

be abhiki kway mmu ane achwe ndũ neywěmuet eno. ² Séghok nkwo Mbok Ndíndí nkúbhé mbo enyũ bo abhen tentep bágghókó nyaka. Ke enyih ene bo bágghòk éke kwak bho mbonyune bati yap apu nyaka are. ³ Ndiere bese bho sénókó ke séchwè ndũ neywěmuet eno, puyě bõ abhen bábhíkí noko. Ke Mandem árém nyaka eti yap be, “Njíkí ndũ beběnti ebha be, ‘Bápú kway bechwe ndũ neywěmuet ena wáwák.’ ” Mandem arem no yěndu ánánj ánánj nyaka beghoko nebhuet neywěmuet eno ne yěntiki enyih ene yi ati beku te mpok ane yí ághókó mmik. ⁴ Sérinj be echi enyu eyo mbonyune, ndũ nebhúéréfu amem Ekáti Mandem, bárem eti nywop enen nejwi tándrámot be, “Mandem anaja noko beku yěntiki enyih ene yi abhõj nyaka beku, aywe mmúét ndũ nywop enen nejwi tándrámot.” ⁵ Ndũ nebhuet achak amem ekáti eyi, Mandem apet árem nyaka be, “Bó bápú kway bechwe ndũ neywěmuet ena wáwák.” ⁶ Mbi ane báchwè ndũ neywěmuet Mandem abhuét ye fúú. Ke bo abhen baghoko Mbok Ndíndí mpok eyo bábhíkí chwe are eti netanjánti enap. ⁷ Eti yo, Mandem afyé mpok achak ane bábhij be, “Echõj”. Debhít ke ákú sérinj no mbonyune Mandem afuet nyaka ntá yi tentep arem menyih ebhen mánánj bárémé be yi arem be, “Echõj, mpok bāghoko eyõj eyi, bāké gwõt nti.” *

⁸ Mbo bo abhen Jóshua ásóré achwe etok Kánán ne bho bábhõj nyaka neywěmuet tetep, mbu Mandem abhíkí pere rem eti mpok neywěmuet achak. ⁹ Eyo étõj ye be nywõbhé neywěmuet nechak nebhuet ambi ntá bo Mandem. ¹⁰ Yě agha ane áchwe ndu neywěmuet Mandem, áywěmuet ndũ betik ebhi mbo enyu Mandem ábhõj nyaka neywěmuet mpok ánánj beghoko mmik. ¹¹ Sénú ye

* ^{4:7} Bégwõt nti ndũ ndõj ane, chi ménisi beku enyih ene Mandem árém ndũ Eyõj Eyí.

bechwe ndũ neywěmuet eno be enyũ netarja ntĩ bo Israel néké kũ yě mmu ywese ankwen.

¹² Dĩĩ ká be Eyoŋ Mandem echi nepém ne ebhōŋ betarj. Échap echa yěntiki akparenja nsem epay. Échwè te ndũ nebhuet ane nepém nkwa néchem ne efóŋó eyi. Échwè mmu anti éntōŋ menyij ebhen yi átí bekũ. ¹³ Yěnyij épú bhésé bhésé besí Mandem. Yěntiki enyij ene yi aghoko echi kpoŋoroŋ besí bhi. Ntá yi ke yěntiki mmu ywese ábhōŋó berem ntĩ ane yi ákú yěntiki enyij ene yi ákú.

Yesu ke achi mũngo bachiäkap ywese

¹⁴ Ségho be sebhōŋ mũngo bachiäkap ane ákó áchí amfay ne Mandem. Yí chí Yesu, Mmō Mandem. Séndók ye ambi bekem sayri menyij ebhen sénókó ěti yi. ¹⁵ Mũngo bachiäkap ywese chi mmu ane ághò bhese ntínso ndu menyij ebhen bébè bhese mmuet mbōnyune yímbōŋ abhōŋ nyaka mamō menyu ne menyu, Yě nō, ake kũ bebú. ¹⁶ Séndók ye kekwat kebōŋ becháy ntá Mandem mmu achi ndũ enókó kefō eyi. Achí Mandem berĩndu ne chōŋ angó bhese ntínso, antōŋ bhese berĩndu ebhi ndu bekwak bhésé ndũ mpok ane séchébhé enyij.

5

¹ Bo báyàp yěntiki mũngo bachiäkap ndũ nkwo wap, mámbure, yi anku noko betik Mandem ndũ ntĩ wap. Yi ke ásòt ye akap ane bho ne akabhénya nkwo ánychè noko ntá Mandem ěti bebú bho. ² Arĩĩ ndu ákèm sayri bo abhen bábhiki riŋi yěnyij ne abhen babhōŋo bekwéné těndu yímbōŋ ábhōŋó nkwo beyá bekwene besí Mandem. ³ Abhōŋ ye bechye noko akap ěti bebú ebhi yímbōŋ, nkúbhé mbō enyu áchyè akap ěti bebú bo abhen yi áté ndũ ntĩ wap. ⁴ Yě mmu ápú chyè mmuet kenókó andem be yi ákway bebhak mũngo bachiäkap. Mandem ke áyap mmu, anku

yí ambak mŭngo bachiäkap nkúbhé mbə enyu áká nyaka ne Áron.

⁵ Nkúbhé enyŭ yə ke echi ne Kristo. Puyě yímbəŋ ke áyóŋó nyaka mmuet bé ámbák mŭngo bachiäkap ambəŋ kenókó nchiapak. Mandem ke ábhíjǐ yi, arem be, “Wə, ŋchí Mówa, ne echəŋ nchí rem be ndəp chi Etaye”.
⁶ Apet árəm nebhuet achak be, “Chəŋ ómbak nchiapak mpoknkem mbə enyu bárémé nyaka ěti Melkísedek.”

⁷ Mpok Yesu achi fá amik, aríjǐ nyaka be Mandem abhəŋ betəŋ beku newú nemfuət yi ansem. Anikmuət ne nti nenkem kpát eyəŋ eyi ere ko amfay, babhese ansep nəkə. Mandem aghok nenikímuet eni mbənyune aséptí nyaka mmuet, anchye nəkə Mandem kenókó. ⁸ Yí achi nyaka Mmə Mandem tetep, yě nə, aghók beghok Mandem ndŭ besəŋəri ebhen yi ághò. ⁹ Mandem ánánjá nókó beku yi ankway ndŭ yěntiki mbi, ayibhiri arəp mmu ane áchyé nepém enen nebhiki bhəŋ ngwenti ntá yěntiki mmu ane ághòk yi. ¹⁰ Mandem afyé yi ambak enyŭ mŭngo bachiäkap ane Melkísedek achi nyaka.

Sət ká mpok be yě mmu áké rə mbi Mandem

¹¹ Mbəŋ beyă menyiŋ bechak ebhen nchí kway berem ěti Yesu mŭngo bachiäkap ywese. Ke chi menyiŋ ebhen bébè mmuet beku be mǎnjwimem tĕndu bǎrəbhé chi bo abhen bapu kem enyiŋ ayak. ¹² Yĕndu bǎchi bo abhen bǎbhəŋó bebhak batəŋ Eyəŋ Mandem néne, nté yeke átdəŋ be bǎbhuet chi bo abhen mmu ábhəŋó betəŋ menyiŋǐ mbi ebhen mmu ábhəŋó beghək ěti Eyəŋ Mandem. Bǎchí mbə mǎmbə abhen bǎbhuet menyu chi nébhi. Bǎpú mbə bə abhen bǎkwáy menyie nenyié mbəŋ. ¹³ Mmu ane ányù chi ami, ábhíkí bhəŋ eka ndu beríŋi enyiŋ ene echi chak besí Mandem mbənyune achí mmó. ¹⁴ Nenyié mbəŋ nechi

chi ntá baseansi. Bó ke mánáη bághókósi mmuet ne báriηi ewupsi ene echi ndũ enyíη ene erí ne ené ébhébhé.

6

¹ Séndó ye beyíηi nókó chi ndiere menyíηi mbi éti Yesu Kristo, séndók ambi ndu bechak be sénséné ndũ nejwímem enese. Sébhíki pere bhəη besət mpok berem éti menyíη ebhen békémé neka enese mbə ebhen bérəm be mmu abhəη betiknsem ndũ bebú ebhi, andə beku bebépti menyíη ebhen bétwə yi chi ne newú, ne be mmu abhəη beka ne Mandem. ² Ne be bábhəη besət mpok berem éti nejwiti, ne éti epíη ménýáηa bho amó anti, ne enyũ mbúré Mandem ákú bawú mámpétnsem ndũ nepém, ne éti netáη ane mbúré bátəη bo mámkpət manyé yap ndəη amət ndak amay. ³ Sébhíki bhəη bétíηi ndũ menyíη ebhə. Chəη séndók chi ambi mbák échi enyíη ene Mandem áyay. ⁴ Sébhəη beríηi be bápú kway beku mmu ane arə mbi Mandem be ámpet antiknsem ndũ bebú bhi. Nchí rem éti enyũ mmu ane mánáη bákú amík ánéné yi, aghó akap ane Mandem áchyè bə bhi, ne Efóηó Bedyere abhak ne yi nkwo. ⁵ Ndũ nepém eni, anáη aghə nkwo berí ebhen béfú ndu Eyəη Mandem, aghó betəη ebhen ébhək chəη ndũ nejókó mpok enen nétwə ansem. ⁶ Mbák mmu wu ántáη ntí ne Kristo, bápú kway beku yi ampet antiknsem ndũ bebú ebhi, tēndu yi achi mbə mmu ane apet ágò Mmə Mandem ndũ ekotákátí, anchye nókó yi ntíánwóp besí bho, ene eyə étwə yi chi ne ménémé.

⁷ Mandem áyet mmik ane ányù manyier amen ákwèn are, ankə nenýíé néngó, nenchye mbwət ntá mmu ane ákwáná yə. ⁸ Ke mbák mmik ágò chi bōmenək ne tákə nsense, nə yə abhíki rí, árəp chi mmik ane báchəηti chəηti, ne ndu ngwenti, mánsəη yə səη.

⁹ Abhen ekəŋ, yěndu mérèm nə ne bhe, mbəŋ nti ne bhe bé bākù chi berítí menyiy ebhen békò ndəŋ amət ne nepeme ane Mandem ápème bhe. ¹⁰ Mandem achi chak mpoknkem ne apu kway beghəkəntik betik ebheka ne ekəŋ ene bătóŋó yi ndü bākŵək bati bönkwə ne bärəŋ ambi beku nə. ¹¹ Ne séyàŋ be yěntiki mmu ywəka ándók ambi betəŋ nkúbhé nti enə te ndü ngwenti, ne bápú nók chəŋ bebhəŋ menyiy ebhen bəbhaka nti be chəŋ māmboŋ. ¹² Mpu yaŋ mändə abhət ánkém be. Nchí yaŋ chi be mánkoŋo eriŋ ene bo abhen mánókó, ne bábhəŋ ekébhénti ne bágħaka ndü nté ane bábhəŋ menyiy ebhen Mandem afyé bariəp bechye.

Bariəp Mandem apú kwén

¹³ Mpok Mandem afyé Ábraham bariəp, ayiki ndü nnyén eni yímbəŋ, těndu yě mmu apu ane acha yi be yi ánkŵáy beyiki ndu nnyén mmu wu. ¹⁴ Ayiki arem be, “Mpu nók béyet wə, ne chəŋ nchyé wə beyá bebhárébhə.” ¹⁵ Ábraham ánoŋ ye ne ekébhénti kpát abhəŋ menyiy ebhen Mandem afyé bariəp bechye yi.

¹⁶ Nkwəŋwaŋ ayiki chi ndü nnyén mmu ane acha yi, ne mpok bo bákəm epúítí, mánánŋ mányú nku, epúítí émay. ¹⁷ Enyiy eyə ke ékú Mandem áyíkí nyaka ndu bétəŋ bo abhen bariəp ami achi ntá yap kroŋoroŋ be bó báká enyiy ene yi atí beku. ¹⁸ Mandem akə menyiy ebhen bepəy ndu béfyə bhese nti, bese bho sébue séróŋó ntá yi be yi ampeme bhese. Menyiy ebhə bepəy bepu wupsi mbənyune yí apú kway besense. Afyé bese nti be seke rə bebhaka nti menyiy ebhen yi afyé bariəp bechye bhese. ¹⁹ Enyiy ené sebhaka nti are ékəm bese erírí ndü nepém enese mbə enyü ndo ákəm áchwí nebħuet amət kpe mm be nnyén néke pəkó wu. Nebħakántí enese ne Yesu nékú séfuét ekat séchwe te amem mókerə kóŋ, ndü nebħuet bediéré Mandem. ²⁰ Yesu

anáj ayámbi arəŋ are ndü ntí ayese mpok yi áróbhé chi mŭnti bachiäkap ane mpoknkem mbə enyü bárémé nyaka ęti Melkísedek.

7

Menyiŋ ebhen beyiŋi Melkísedek nchiakap Mandem

¹ Melkísedek-ne achi nyaka mfə etək Salem ne nchiakap Mandem Acha. Ábraham anu nyaka ne beyä bafə awáy bhə. Mpok yi áfú ebhñenu ápətnsem, Melkísedek atemeri yi, ayét yi. ² Ábraham akəre menyiŋ menkem ebhen yi áfú ebhñenu ne bhə ndu baru byo, achye yi ndu amət. Nnyén Melkísedek enə néte ndü “Mfə ane ákə menyiŋ ebhen bechi chak.” Achi nkwo Mfə Salem, nə chi “Mfə ane áchye kpák.” * ³ Ekáti Mandem ébhíkí rem yěnyiŋ ęti etayi ne máyi ne nneréket ywi ne mpok ane bábhé yi. Ne nepém eni nébhíkí bhəŋ ngwenti. Achí nchiakap Mandem ngwenti ti mbə Mmə Mandem.

⁴ Ghó ká enyü nném mmu yi achi nyaka! Yěndu Ábraham achi nyaka chi mbi ane bo Israel, akóré menyiŋ ebhen yi áfú ebhñenu ne bhə ndü baru byo, achye yi ndu amət. ⁵ Mbək bebhárəbhə Lévi bachi bachiäkap Mandem. Ebhé Moses éghàti bhə be mánsət ndü menyiŋ amət ndü ane byo ntá yěntiki mmu Israel, yěndu bə ne bo Israel mankem bachi bebhárəbhə Ábraham, nə chi bə nneréket amət. ⁶ Ke Melkísedek mmu ápú nyaka mbəŋ mmü nneréket Lévi asət nyaka enyü akap wu nə Ábraham áchyé yi, ayét yi mmu Mandem afyé nyaka bariep ne yi. ⁷ Yěntiki mmu aríŋi be mmu ane áyet ntí ke áchá mmu ane yi áyéré. ⁸ Beyiŋi bachiäkap abhen bachi bebhárəbhə Lévi, bó mankem abhen básət akap ane ndu-amət ntá bho, bágü

* **7:2 Hibru:** Mélek chi “Mfə”, tsedek chi “chak”, Salem chi “Kpák”.

mbɔ yěntiki mmu achak. Ke béyíjɪ Melkísedek, mmu ásóré nyaka nkwɔ akap wu, Ekáti Mandem étɔɔ be se be nepém eni nebhiki bhɔɔ ngwenti. ⁹ Sékwáy mbɔɔ bérem be Lévi mmu bebhárébhɔ bhi básɔt enyũ akap wu ntá bho, achyé nyaka enyũ akap wu ntá Melkísedek těndu chi-mbi ywi Ábraham áchyé nyaka wu ntá Melkísedek. ¹⁰ Echi enyuyɔ mbɔnyune bábhíkí re bhe nyaka Lévi mpok Melkísedek atemeri Ábraham. Yě nɔ, Lévi ánáj achí nyaka ndũ manɔɔ Ábraham.

¹¹ Mpok Mandem ákù bachiäkap abhen bebhárébhɔ Lévi manchye bebhé ebhen békway ne nkwɔ bachiäkap abhɔ, mbɔ betik ebhap békway nyaka beku be bo mámbák chak mbɔ enyũ Mandem áyàɔ, mbú ntí apu ane nchiakap achak átwɔ ane achi mbɔ Melkísedek, ne abhak kekúrí ne bachiäkap abhen nneréket Arɔn. ¹² Mpok nneréket ane bachiäkap áwúpsí, ewúpsí ebhak ndu ebhé nkwɔ. ¹³ Mmu ane bárəm menyij ebhen ěti yi afu chí ndũ nneréket ané achí kekúrí ne ané yě mmu abhíkí re fu are, ne ané ákù betikí Mandem mbɔ nchiakap. ¹⁴ Echi kponɔɔɔɔ be Acha ywese Yesu afu nyaka ndũ nneréket Júda, ne Moses ábhíkí rem yěnyij ěti nneréket wu mpok yi árəm enyij ěti bachiäkap.

Yesu achi nchiakap Mandem mbɔ Melkísedek achi nyaka

¹⁵ Enyij ene epet ékù sengɔ kponɔɔɔɔ be ebhé éyíbhiri, chi netwɔ ane nchiakap achak átwɔ mbɔ Melkísedek. ¹⁶ Achí nchiakap, puyě chi bekoɔɔ ebhé ene érəm ěti nneréket ane nchiakap ábhóɔ befu are, ke chi bekoɔɔ betaj ebhen nepém eni enen yě mmu apu kway bechɔɔti. ¹⁷ Echi mbɔ enyũ bárémé ěti Kristo be, “Wɔ, ɔchí nchiakap Mandem ngwenti ti mbɔ Melkísedek.” ¹⁸ Ndu berɔɔ ambi, bárɔ esí ebhé mbɔnyune ébhíkí pere bhɔɔ nyaka betaj, ékepere bhɔɔ yěnyij beku ne bhese. ¹⁹ Nti achi be ebhé

yo épú kway bekwak mmu ankway ndu yěntiki mbi besí Mandem. Néne, bátwó ne enyiy echak ene echa bebhé. Yó ke sébháká nti aré ne éyà bhese kekwoť ne Mandem.

²⁰ Enyiy echak ene séghò ěti nchiakap wu chi be Mandem anyu nyaka nku be Yesu ábhák nchiakap. Yě nchiakap achak apú, ane mányú nku ěti yi. ²¹ Ntá Yesu ke yi áyíkí mbò enyũ Ekáti Mandem éghàti besí be, “Eta Mandem ayiki, ne apú kway beyibhiri nkaysi yi. Ayíkí, arem be, ‘Ōchí nchiakap ngwenti ti.’ ” ²² Nku ane Mandem ányú ěti Yesu enyuyó áťòň be, mpok séghò Yesu, sériňi be yi achi sebhan esen Mandem achye ndu betoň be nku yo atéé acha ane nsí.

²³ Ewupsi echak echi be, bachiäkap abhen mbi baya nyaka ne ntí be báchí nyaka bo abhen newú nékáj bò báké roň ambi ne betik ebhap. ²⁴ Ke mbák chi Yesu, yi äròň ambi beka betik ebhi mbò nchiakap mpoknkem, mbonyune yi apu gu wáwák. ²⁵ Ndu echi nò, yi ákway bepeme yěntiki mmu ane áfuéré ntá yi atwò ntá Mandem ndoň amot ndak amay, těndu yi achi nepém mpoknkem ndu menikmuet ěti yap.

²⁶ Enyũ mũngo bachiäkap wu ke ákwáy ye bekwak bese, mbonyune yi achi nyáňá, abhíkí bhoň békwéné, abhíkí bhoň bakwap, achí kekúrí ne bō bebú, ne achí ndũ nebhuéré kenókó amfay. ²⁷ Nti apu ane yi ábhóňó bechye akap yěntiki nywop mbò yěntiki mũngo bachiäkap ane mbi. Yěntiki mmu wap áyambi nyaka anchye akap ěti ebhi bebú, ke andok ye ambi beka nò ěti bebú bo bachak. Yesu achyé akap ndoň amot ndak ámány, mpok yi achye mmuet be mango ndu ekotákátí. ²⁸ Ebhé Moses ékù nyaka bo abhen bekwéné béchí ne bhò mámbák bō bagho bachiäkap, ke Mandem anyu nku aká Móywi mmu ákwáy ndũ yěntiki mbi mpoknkem ámbák mũngo bachiäkap.

8

Yesu ke achi mŕngo bachiäkap ane Nku Nko

¹ Mbõŕ ntí-ndak ane sérèm chi be sebhoŕ enyũ mŕngo bachiäkap ane áchókó ndũ nebhuéré kenókó ne Mandem mmu ábhóŕó betarj menkem awu amfay. ² Mŕngo bachiäkap wu ákù betik ebhi amem etem ene echi nyánjá, ené mbõŕ Mandem Acha áté, kebhak chi nkwaŕwaŕ. ³ Báfyè yèntiki mŕngo bachiäkap chi be anchye nõkõ akap ne akabhénya ntá Mandem. Ndu echi nõ, nchiakap ywese nkwo abhoŕ bébhoŕ enyih ene yi áchye ntá Mandem mbõ akap. ⁴ Mbõ yi achi chi fá amik, mbõ ápú bhak nchiakap wáwák, tẽndu bachiäkap bachak bachí fá amik abhen báchyè akap bekoŕo enyũ ené ebhé Moses érèm. ⁵ Betik ebhap bechi mbõ ndikandi ane ákù séndíní mbõŕ enyih ene éfakari amem etem ene amfay. Sérinji be echi nõ mbõnyune mpok Moses ábhõŕ nyaka bete étèm akap, Mandem aghati yi be, “Obhoŕ beghõ be oté etem eyõ mbõ enyu ntõŕó wõ amfay nje.” ⁶ Ke néne, betik ebhen Kristo béchá ebhen bachiäkap abhen Nku Nsí, nkúbhé mbõ enyũ nku ane ákù Yesu ate nenti Mandem ne bho áchá ane nsí, mbõnyune akõ ne nku ane árí áchá. ⁷ Mbõ nku nsí yõ äkway nyaka bekwak bo mambak chak besí Mandem, mbõ ntí apu bebhoŕ nku achák. ⁸ Ke Mandem Acha aghõ nyaka be békwéné bechí ne böbhi. Èti yõ, arem be, “Mpok ätwò ane nchí nyu nku achák ne bo Israel, ne bö Júda nkwo. ⁹ Nku ane apú bhak mbõ ane nsí nyaka nyu ne bachímbi bhap mpok nsóré bhó ne awó wa mféré etõk Íjip. Bábhíkí rõŕ nyaka ambi bekũ menyih ebhen nku nsí áyaŕ bo mankũ. Ékù Acha arem be, ‘Ndu échí nõ, mbíkí pere bhõŕ mpok ne bhõ. Mme Mandem Acha ke nchí rem.’ ¹⁰ Né chi nku ane mẽnyú chõŕ ne bo Israel ndũ manywõp ane ätwò. Mme Acha nchí rem be chõŕ mfyé bebhé ebha

βό αντί, nsij bhō amem bati yap. Chōη mbak Mandem awap, ne bō mambak bōbha. ¹¹ Yě mmu apu bhōη chōη betōη nti, ne yě chi nti manō be, ‘Dihí Mandem’, mbonyune bo mankem bárìηi chōη me, bebho amuet ndéndeme bho beghaka amuet maném bho. ¹² Ne chōη ngó bhō ntínso, mfónórí bebú bhap nkepere tik bhó wawak.” ¹³ Nerem ane Mandem árem έti Nku Nkō áτōη be ane mbi abhíkí pere bhōη betaη ne enyìη ene énáηά έfúερέ mpok, yō kepere bhōη betaη, éneμεnem.

9

Enyū báchyè nyaka Mandem Kenókó amem Etem

¹ Nku mbi ane Mandem ányú ne bo Israel abhōη nyaka bebhé ebhen bétōη enyū bo babhōη bechye Mandem kenókó, ne etem ebhak fá amik ene bō báchyè yi kenókó aré. ² Etem eyō ébhōη bōbeket bapay. Ane mbi abhak Nebhuet Bediere. Aré ke enyìη ene epōkō berōηό mkpak echi nyaka, ne bret Mandem. * ³ Nden akóre nyaka móket ane mbi ne ane ansem. Bábhìηi nyaka móket wu be Nebhuet ane achi Nyáηά Áchá. ⁴ Éfémé akap ene bágħákó ne pú ebhak amem móket wu. Amfay éfémé eyō ke básōη nyaka enyìηí eriep ene bábhìηi be ínsens. Ekubhé Nku ébhak nkwo amem. Bákúti yō enkem ne pú. Móte ane mána achi amem abhak amem ekubhé yō. Ntém Arōn enen nétémé beyé nébhák nkwo amem. Bégbáká batay apay ane Mandem ásìηí nyaka bebhé are ke áchye ntá Moses bebhak nkwo amem ekuep eyō. ⁵ Befónó bεpay ebhen bágħókó mbo bōángel bebhak amfay ekubhe yō. Bebhap ebhap ményábhe amfay nebhuet ane Mandem áfōηori

* ^{9:2} Esé berōηό mkpak: enyìη bete berōηό mkpak are.

nyaka bebú bho arɛ. Kɛ sɛpú kway berem yɛntiki enyɪŋ ɛti menyɪŋ ebhen néne.

⁶ Mánánjá nókó bebhɛre yɛntiki enyɪŋ ndũ ayi nebhuɛt, bachiãkap báre rɔŋ ndũ móket anɛ mbi, mpok nɛ mpok, ndũ beku ebhap betik. ⁷ Kɛ mũngo bachiãkap aywinti kɛ áchwè amem móket anɛ achi Nyánjá Acha ndɔŋ amɔt ndũ mmíé. Nɛ abhɔŋ nyaka bechwe arɛ chi nɛ manɔŋ amen yi áchyè ɛti bebú bhi nɛ bebú ebhen bo bákú kerɪŋi be chi bebú. ⁸ Ɛfóŋó Bedyere àsɔt menyɪŋ ebhen betɔŋ bese be mpoknkem anɛ móket anɛ mbi abhuɛt téé, mbi bechwe arɛ apu bhak. ⁹ Ɛnɛ chí erɪŋ ené ɛtɔŋ bhese ndũ mkpáká mmik anɛ ɛchɔŋ be akap nɛ akabhénya anɛ báchyè Mandem apu kway beku nti mmu nénkwáy ndũ yɛntiki mbi besí Mandem. ¹⁰ Besí menyɪŋ ebhɔ menkem béyɪŋi chi menyɪŋ menyɪe nɛ ebhen menyɪ, nɛ menyɪ menyɪŋ béchák ebhen bo básɔt mánso mmuɛt be báke bhɔŋ bakwap besí Mandem. Menyɪŋ ebhɔ béyɪŋi chi bebhé ɛti mmuɛt nɛ mémay mpok Mandem átwɔ nɛ enyɪ ekɔ.

¹¹ Kristo atwó mbɔ mũngo bachiãkap anɛ ákú berítí menyɪŋ ebhen bétwɔ mémfákári. Achwe amem ekeré Mandem enɛ ékwáy ndũ yɛntiki mbi écha ebhen béchí nyaka fá amik. Puyɛ bo kɛ báté yɔ, nɛ épú ndũ mpáy menyɪŋ ebhen fá amik. ¹² Achwe ndũ móket anɛ achi Nyánjá Áchá ndɔŋ amɔt, ndak ámány. Puyɛ chi nɛ manɔŋ mmén nɛ amen bɔmpɔŋ ké yí achwe arɛ nɛ mɔ. Manɔŋ mi yimbɔŋ ké yí áchyé, nɛ ndũ ákú nɔ aku bhese afere ndũ kesemé bebú mpoknkem. ¹³ Ndũ mpok anɛ áfuéré ansem, básɔt nyaka chi manɔŋ mmén nɛ amen nném mpɔŋ nɛ batwɔŋ amen móngɔ mpɔŋ anɛ básóŋó, mámyakati amuɛt mmu anɛ apú pérép besí Mandem, be ambak yɛ pérép. ¹⁴ Mbák manɔŋ nnya ákway nyaka beku mmu ambak pérép, ná nɛ manɔŋ Kristo, yi mmu achyɛ mmuɛt anɛ

yěnyij ébhiki nyóp ntá Mandem mbò akap ndũ betan Efónó mmu achi mpoknkem? Manonj ami abhõj bébhõj beyã betan ndu bekũ be bati yese ambak pépép, ne bé séképerẽ kũ menyij ebhen bétwò bhese ne newú. Akú nó bé séndóbhe tok chi Mandem mmu achi nepém.

¹⁵ Nchye ane yi áchyé mmuet mbò akap enyu eyò ke ákú yi ate nenti Mandem ne nkwã ndũ Nku Nkò ndu bekũ be bo abhen Mandem abhiñi, mámbõj berítí menyij ebhen yi afyé bariẽp bechye bhò, tẽndu newú néfééré bho ndũ bebú ebhen Nku Nsí. ¹⁶ Ekáti newú-bésu echi mbò nku. Mbák sékũ enyij ene mmu ásíñí arem enyũ bábhõjò bekore newú eni, bápú kway bekoño yò krate émbak kropononj be yi ánánj ágú. ¹⁷ Ekáti newú mmu ébhõj betan chi mpok yi ánánj ágú, tẽndu épú bhõj betan mpoknkem ane mmu ane ásíñí ekáti yò achi nepém. Echi mbò nku. ¹⁸ Èti yò kě manonj ábhõjò nyaka berõj amik ndu bekũ be esí nku embõj betan. ¹⁹ Mpok Moses ánánj ághátí bho bebhé Mandem menkem, asòt ntábhénòk hysòp, anep babyòk mmén amen achi chu are. Asòt manonj mómpõj ne amen mmén, achòpti ne manyiẽp. Asòt ye ntábhénòk hysòp wu, atap amem manonj mò, amyakati ndũ ekáti bebhé ne amuet bo mankem. ²⁰ Ndu ákũ nò, are rem be, “Manonj amen ákem nku ane Mandem anyu ne bhe ne àghati bhe be mãmbúré yò.” ²¹ Enyu émòt ke Moses amyakati nyaka manonj ndũ etem ne ndũ menyij menkem ebhen básòt nyaka bechye Mandem kenókó ne bhò. ²² Diñí ká be békõjò bebhé Moses, babhõj nyaka besòt manonj ndu bekũ beyã menyij mémbak pépép. Mbák manonj abhiki rõj amik, bápú fonjori bebú bho.

Kristo achye mmuet mbò akap ndu bépòkò bebú bho

²³ Ěti εγὼ κε βάβhόηό nyaka bekũ menyih ebhen bechi fá amik ebhen béchí ndíkandi menyihí mbōh ebhen bechi amfay be mémbák pérép enyu εγὼ. Ke ndu bekũ menyihí mfay mémbák pérép βάbhōh nyaka besot chi manoh amen acha manoh nnya. ²⁴ Kristo abhíkí rōh ndũ ekeré Mandem ene bágħókó ne amō, ené échí ndíkándi ekerákap ene mbōh awu amfay. Achwe chi amem mbōh etem ené amfay ne achí are néne besí Mandem, ěti yese. ²⁵ Ne abhíkí rōh amfay ndu bechye mm̄et mbō akap ndōh ne ndōh mbō enyũ mũngo bachiákap áchwe nyaka ndũ móket ane achi Nyáhá Acha yěntiki mmíé ne manoh amen apu ami. ²⁶ Sayri sayri, mbō yi ārōh nyaka amfay ndōh ne ndōh ndu bechye akap, mbũ yi abhōh bebhōh esōhori te ndũ ngwenti mmik. Ke abhésí ndōh amot ndak ámány ndũ ngwenti mpok achye mm̄et mbō akap ane ápókó bebú bo. ²⁷ Ne nkúbhé mbō enyũ Mandem árémé be mmu abhōh bégu ndōh amot, ne ánánh ángú, andōbhe noh chi manyé, ²⁸ enyu εγὼ κε echi ye be Kristo achyé nepém eni mbō akap ndōh amot ndu bépoko bebú bo mankem, ne chōh ampet antwó, puyě ndu beferε bebú, ke ndu bepepe bo abhen bachi ne amík ambi mánōh yi.

10

¹ Bényihí bebhé Moses, bechi mbō ndíkándi berítí menyih ebhen bebhōhō bétwō, puyě mbōh menyih ebhō. Enyu esí ene érēm be mánchyé nókó akap ndōh ne ndōh yěntiki mmíé épú kway nyaka bekũ bo abhen bátwō ntá Mandem ndu bechye yi kenókó mánkwáy besí bhi ndũ yěntiki mbi wáwák. ² Mbō akap wu ákũ bo mambak pérép besí Mandem mbũ bábhuet bechye wu? Mbũ batí bho ápú pere tah bō ěti bebú bhap. ³ Ke akap ane báchye yěntiki mmíé, áchí nyaka chi enyih ene ékũ bo mántik bebú bhap. ⁴ Échí

enyu eyə mbənyune manonj mponj ne manonj mmén ápú kway beferə mmu bebú anti wáwák.

⁵ Ĕti yə ke echi be mpok Kristo ábhónó nyaka bétwə fá amík, arem ntá Mandem be,

“Óbhíkí perə yan be bo mányché akabhénya ne menyũ akap ácháak. Ke oghókó chí mmuet nkwã
əchyé me bé nchyé wə akap ne yə.

⁶ Akabhé nya besonj bechye wə ápú chye wə mañák.

Yě chí akap ane bo báchye be ampəkə bebú ebhap apu chye wə mañák.”

⁷ Ndem ye be, “Eta Mandem, ghó mé ne.

Ntwə beku enyij ene wə óyànj menká nkúbhé mbə enyũ basinj ĩti ya amem ekáti eye.”

⁸ Kristo arem be,

“Ópú yan, mányché wə akabhénya ne akabhé mbwət, ne yě chi enyũ akap achak,

ne akabhénya ene básənj ango

ne opú bhonj mañák

ne akap ĩti bebú.

Báchyè akap ané bekonjo bebhé Moses.

Arem nə yěndu bo báchye nyaka akap

chi bekonjo bebhé Moses.”

⁹ Kristo árém nókó nə, apet arem be, “Eta Mandem, ghó mé né. Ntwə béku enyij ene óyànj menka.” Kristo átənj

ndũ nerem ane yi árémé nə be Mandem aféré esí akap, afyé ane akə. ¹⁰ Ne ĩti Yesu Kristo ákú enyij ene Mandem áyən

nyaka be yi ankə, achye mmuet yi mbə akap ndonj amət ndak amay, séróp chi pépép besí Mandem.

¹¹ Ndũ nku nsí, yěntiki nchiakap áte nyaka ndũ betik, ndũ nebhuet ane báchye akap aré yěntiki nywəp, ndu béchye nkúbhé akap ane apu kway bepəkə bebú bho wáwák. ¹² Ke Kristo achye mmuet yi mbə akap ĩti bebú

bho ndəŋ amət ne akap wu ákwáy ndű mpoknkem. Akó ye amfay achəko amem móket ane achi Nyájá, ebhě awónem Mandem. ¹³ Aré, ănoŋ Mandem ankə bömpap abhi mámbák mbə enək ene yi ányaŋa bekak are. ¹⁴ Nó ke echi be Kristo asət akap amət akə bo abhen Mandem ákú mambák abhi mánkwáy ndű yěntiki mbi besí Mandem mpoknkem.

¹⁵ Ne Efóŋó Bedyere nkwo ätè ntísie be menyin ebhen bechi tetep. Ayámbi arem be, ¹⁶ Mandem Acha arem be, “Né chi nku nkə ane mbóŋó menyu ne böbha mpok ane manywəp ayə áfúéré. Chəŋ mfyé bebhé bha amem bati yap, nsin bho amem nkaysi yap.” ¹⁷ Apet arem be, “Mprú pere tik chəŋ bebú ebhap ne bebéptí menyin ebhen bə bákú wáwák!” ¹⁸ Mánaŋ mámfóŋóri bebú bho, ntí apu pere bhak ane bə báchye akap.

Séndók kekwoť ne Mandem

¹⁹ Bǎma, tǎndu manəŋ Yesu áróŋó amik ęti yeŋe, sékway ye berem be sébhəŋ ngǎngəŋ bechwe ndű nebhúét ane achi Nyájá. ²⁰ Yesu ánáná anene ekat, achye bhese mbí akə ane nepém bé sénkwáy béfúet aré sendək te amem. Ekət ene yi ánéné chi mmuet yi ane yi áchyé, ndu ágú ęti yeŋe. ²¹ Ne tǎndu sébhəŋ Nném Nchiakap ne yi ke ákémé ekeré Mandem, ²² séndók kekwoť ne Mandem ne bati ane tetep ne sénsíkí ntí enyu ene sepu pere makati yěnyin. Sénkə nə mbənyune Yesu anəŋ amyakati manəŋ ami ndű bati yeŋe ne áchí pépép, ne yə ápú pere taŋ bhese ndű yěnyin. Asó mmuet eyese nkwo ne manyiep amen abhiki bhəŋ bakwap. ²³ Sénkém sayri nebhakánti enen sébhóŋó ndű menyin ebhen bétwə ambi ebhen sérəm be sebhaka ntí aré. Séké makati mbənyune Mandem mmu afyé bariep bechye bhese menyin ebhə äbhure bariep ami. ²⁴ Sémfyé ntí béghə enyű sékwáy menyikisi bati ane bati

bõnkwə enyu ene bákway bebhəŋ ekəŋ ne bho ne mánkə nəkə berítí menyiŋ. ²⁵ Séké fere ntí ndu bechem ne bati mbə enyũ mbək bo bábhóŋó epŋ bekə. Enyiŋ sébhóŋó bekə chi be sémfyé nəkə bati ntí, sayri sayri, néne, ené nywəp enen Yesu átwə nechi kekəwət.

²⁶ Mbák sénchók batú, séndók ambi bekə bebú, ené sénáŋ séríŋí tetep ane Mandem, séndíŋí bé yě akap achak apu ane ákway bekəti bebú ebhese. ²⁷ Mmu ane ákə nə, abhíkí pere bhəŋ yěnyiŋ echak ene yi ánoŋ, ebhiki fəet chi menoŋ ne becháy manyé ane átwə ambi ne ngó ané ádu gum gum gum ane ábhóŋó méməen bõmpap Mandem. ²⁸ Yě agha ane ábyak nyaka ebhé Moses ne bo bati apay, yě bati arət, mánte ntísie be akə nə tetep, báway yi kebəŋ ntínso ne yi. ²⁹ Ná ne mmu ane ábyak Mmə Mandem? Bākaysi be ntiki ntémsí ane ábébhé áchá ákwáy ne yi? Enyũ mmu wu əsət manəŋ nku ane ákú yi ambak pépép besí Mandem mbə enyiŋ ene epú nyájá, ne ərem ebúbə ətí Əfóŋó Bedyere mmu ákə beríndu Mandem méməbak ne bõbhi. ³⁰ Séríŋi mmu ane árémé be, “Mə ke nchí Nkeme kémbé.” Apət arem be, “Chəŋ Acha ántáj bõbhi.” ³¹ Békwen amó Mandem mmu achi nepém chi enyiŋ ene mmu ábhóŋó bécháy.

³² Tik ka manywəp ane áfúéré ansem, mpok bákú amík ánéné bhe. Mpok yə, băté kpirí ndú beyə besəŋəri ndú mǎnù ne bhə. ³³ Mpok achi nyaka ane básəkoti, manchyə nəkə bhe nenyok besí bho. Mpok achak bäre té ansem bõ abhen báchyē bhə esəŋəri enyu yə. ³⁴ Bábəŋ nyaka ntínso ne bõkenəŋ. Ne mpok báfəŋə menyiŋ ebhəka, bāka ne maŋák be mankə nə, ndú bǎríŋí be bábəŋ menyiŋ ebhen becha ebhə, ne be bə bébhak mpoknkem.

³⁵ Bāké rə ye nesiki nti eneka. Nétwə ne beyə nsáy.

³⁶ Bábəŋ ye bete kpirí be mǎnkway bekoŋo nkaysi

Mandem, mǎmbəŋ menyīŋ ebhen yí afyé bariɛp bechye be. ³⁷ Mandem arem be, “Mandú mpok, mmu ane ábhóŋó bétwə, átwə, ne apú chəŋti mpok. ³⁸ Ke mmũ wa ane achi chak ábhak chəŋ nepém ndu ábhóŋó neka ne me. Ke mbák ánjá mmuet ansem, mpú bhəŋ maŋák ne yi. ³⁹ Ke mbák chi bese, sépú bo abhen báya mmuet ansem mangu manem. Séchí chí bo abhen sébhóŋ neka ne Mandem, ne yi əpeme bhese.”

11

Bǎ abhen babhəŋ neka ne Mandem

¹ Bəbhəŋ neka ne Mandem chi yi? Chí neka ane mmu ákà be enyīŋ ene yi abhaka nti be chəŋ ambóŋ ébhəŋ bífákári, ne ménóko ne nti nenkem be menyīŋ ebhen mmu apú ghó ne amík béchi tetep. ² Neka enen bo abhen te nyaka ke nékú nyaka Mandem arem be bə bákə sayri.

³ Neka ke nékú séríŋí be Mandem asət chi eyəŋónyu eyi ke əghoko mmik. Eyə étəŋ be menyīŋ ebhen séghə ne amík bífú chi ndũ menyīŋ ebhen mmu apu kway beghə ne amík.

⁴ Neka Ábel ke nekə yi achye nyaka Mandem akap ané ákwáy achá ane Ken. Nesət ane Mandem ásóré akap Ábel atəŋ be aká be Ábel achi chak besí bhi. Yəndu Ábel ágú, neka eni nékə abhuet berem kepi ntá yese tǎ echəŋ.

⁵ Neka enen Enək ke nékú Mandem asəre yi amfay ené yi abhiki ghó newú. Ékə yǎ mmu keghó yi ndu Mandem anaŋ asəre nyaka yi. Ke Mandem ápéré sət Enək, ánəŋ atəŋ nyaka be abhəŋ maŋák ne yi. ⁶ Bǎghə ye be mbák mmu abhíkí bhəŋ neka ne Mandem, épú kway befakari be Mandem ambəŋ maŋák ne yi. Yǎ agha ane árəŋ kekəwət ne Mandem abhəŋ ménóko be Mandem achi, ne be əchyè əkap yǎntiki mmu ane áyàŋ yi ne nti eni nenkem.

⁷ Neka Nóa ke nékú be, mpok Mandem ásémfí yi ěti menyiy ebhen yě mmu abhiki re ghó nyaka ne amík, anoko, aghoko erem áchwí, achwe amem ne efo eyi enkem, Mandem apeme bhó. Neku Nóa aku nò eghori ékwén amuet bō mmik ne. Mandem asot be Nóa achi chak ndu abhōy nyaka neka.

⁸ Neka Abraham ke nékú yi ákú enyiy ene Mandem aghati yi. Mpok Mandem ábhíjǐ yi bé ámfá, ándók nebhuet ane Mandem afyé bariep bechye yi, aró etok eyi, are kó andok noko, kerijǐ atú ané yi ároy. ⁹ Neka eni ke nékú yi achokó atú ane Mandem afyé bariep bechye yi. Abhak aré, achokó ndu bétém mbó be achi chi kenkó. Enyumot, móywi Áisek, ne ebháre móywi Jekóp, bo Mandem afyé nyaka bariep bechye bhó mmik yó nkwo, báchókó ndu bétém ne yi Abraham. ¹⁰ Abraham achókó nyáká ndu bétém mbonyune abháká nyaka nti ndū etok ene ébhak mpoknkem ene Mandem ábhóyó nkaysi enyu ebhōy bebhak, yímbōy ate yó.

¹¹ Neka enen Sará ngoré Abraham ke nékú yi ákway nyaka bépókó menie, yěndu mamie yi ánáj acha nyaka ané ngoré ane akway bepókó menie. Ébhak enyu yó mbonyune anókó nyaka be Mandem achi Mmū tetep, ne ábhàre bariep ami. ¹² Mpok yó, Abraham anáj akok nyaka tontó, enyu ené yi apu pere kway bebhōy bō. Yě nò, bebhárébhó bhi báyá kpát mbó mambě mfay ne mbó ěsiép ene echi angokonyén enyu ene yě mmu apu kway bepáy bhó.

¹³ Bōbhen mankem babhōy nyaka neka ne Mandem te ndiere newú. Ne yě mmu wap abhíkí bhōy nyaka menyiy ebhen Mandem afyé bariep bechye bhó. Bághò nyaka bhó ghó te nekó nesie, bábhōy beyǎ manák mándeme noko be báchi chi mankó abhen báfūere fuet fá amík. ¹⁴ Ne bo abhen bárèm enyu eyó bátòy kponoroy bé báyan etok ene

bə bábħìjɪ be ɛyap. ¹⁵ Mbə etək ene bə báfú are kě bákàysi, mbú báyàŋ nyaka mbi bepetnsem aré. ¹⁶ Báyàŋ nyaka chi etək ene érí échá, nɔ chi ene echí amfay. Ĕti yə kě ntíánwɔp apu ne Mandem be bə bábħìjɪ yi be Mandem awap. Séríjɪ nɔ mbɔnyune Mandem aghókó etək abħure ntá yap.

¹⁷ Neka Ábrahim ke nékú be mpok Mandem áchyé yi nemɔ ndu aghati yi be ándók ányché móywi Áisek mbə akap, Ábrahim mmu Mandem afyé yi bariɛp, aka bechye njaŋa móywi mbə akap. ¹⁸ Aka beku nɔ yěndu Áisek ére kě Mandem afyé nyaka Ábrahim bariɛp ĩti yi be, “Áisek ke achi mmó ane áku chɔŋ ómbɔŋ beyă bebhárébhɔ.”

¹⁹ Ábrahim anoko bé ye Áisek agü gu, Mandem äkway beku bawú mampetnsem ndü nepém. Sékway ye berem be Áisek achí nyaka chi mbə mmu ane ánánj ágú ke Mandem aku yi afú ndü newú, apetnsem ntá etayi.

²⁰ Neka Áisek ke nékú yi áyééré nyaka bǔbħi Jekóp ne Isau, aghati bhɔ ĩti áfók ane átwo ansem.

²¹ Ne neka enen Jekóp ne Mandem ke nékú yi áyééré bǔmóywi Joséf bati apay mpok yi arɔbħe kekwoɔt begu, aghɔkɔ mmæɛt ndü ntem eni, achye Mandem kenókó.

²² Neka enen Joséf ne Mandem kě nékú bé mpok yi arɔbħe chi bégu, arem ĩti nefú ane bo Israel bábħóŋj nyaka befu etək Íjip, ne aghati bhɔ be mpok bə báfù, mánsɔt beghɛp ebħi mandək ne bhɔ.

²³ Neka enen chi ne nno Moses ke nékú bábħésé yi anywɔp ndü batàŋ arat mpok bábħé yi, bé báké way yi. Bákú nɔ ndü bághó be Moses ari acha, bə kechay bekwen ebħé Mfɔ Íjip.

²⁴ Neka Moses ne Mandem ke nékú be mpok yi ágó aghaka esakámu ake ka bo mámbíjɪ yi be mmǔ mǔmfɔ Íjip ane ngɔré. ²⁵ Arem be echi sayri bebhɔŋ esɔŋɔri ne

bo Mandem echa ményie nepém enen bebú ndu mómbiņi mpok. ²⁶ Aghō nyaka be éri mámbyak yi ěti Mpepe Mandem afyé nyaka bariep be ātō echa yi bebhōņ keném etōk Íjip. Ébhak enyu eyō mbōnyune yi ānōņ nyaka chi akap ane átwō ambi.

²⁷ Neka Moses ne Mandem ke nékú yi arō etōk Íjip kecháy bebēnti Mfō Íjip. Akéřnti, arōk mbō be yi āghō nyaka Mandem mmũ bo bápú ghō ne amík. ²⁸ Neka Moses ne Mandem kě nékú yi ághátí bo Israel be mámbúré Epā Nekiņi. Arem be bō mámyákátì manōņ mómēn amfay ndũ bechíkí mfay ebhen babhĩnywōp ayap, be ángel Mandem ane ábhóřó nyaka beway yěntiki mōmbi bo Íjip, ánāņ ángáká ndũ eket ené mmu Israel, ankiņi, ketōk yě mmó wap.

²⁹ Neka ke nékú bo Israel bákó bápé manyu ane bábhiņi be Manyu Chu mpok ákóré mbiņ epay, érōp mbō be bákō chi ndũ mmik ane nnyén nérpú fuet are. Ke mpok bo Íjip māmó bekũ enyumōt, nnyén négbókó nérpóko bhō mankem.

³⁰ Neka enén bo Israel ne Mandem ke nékú bákó bāghábhéri etōk Jeríko ndũ manywōp tándrámōt, nkok ané ákábhé etōk, ámóko akwen. ³¹ Neka enen ngōré-nekō ane aka nnyén be Ráhab ke nékú yi ásóré nyaka bō abhen báróřó ndu beghokoti kepi abhese amem eket eyi, yí kegú mpok amōt ne bo abhen bápú ghok nyaka Mandem.

³² Mbák ndok ambi bérem ěti bo abhen bábhóřó nyaka neka ne Mandem, ne menyij ebhen bō bákú, nchí rem ngaka fá? Mpok apu berem ěti Gidion, ne Báarak, ne Samsin, ne Jéfta, ne Debhít, ne Samuel ne baremé keřinti mankem bachak mankem nkwō. ³³ Neka enen bō bhō bábhóřó nyaka ne Mandem ke nékú mbōk ayap mánú ne betōk bechak básōt awónem. Báchák bákém etōk enyu ene

echi chak, ne bábhónj menyij ebhen Mandem afyé nyaka bariep bechye bhə. Neka enén abhénéfú nékú manyũ ané nkə áchók. ³⁴ Mbək yap mánéme ngó ane ádu gum gum gum, wu kesəj bhə. Mbək yap bábúe bđ abhen báyaŋ nyaka beway bhə ne akparenja. Yěndu bábhíkí bhəj nyaka betaj, betaj békó bə amuet. Mbək bábhák betajtí batemé nenu abhén mánú básət awónem amfáy nkwo batemé nenu abhen betək bechak, ne bákú nkwo wu bábúe. ³⁵ Neka nékú mbək baghoré bágħó ndũ bəbhap abhen bágú bápérénsem ndũ nepém.

Bádén mbək kpát bágú, yě nə, bə keka béfere nti ne Mandem be mamfere bhə amó. Báká be éri tontó be bə mángú bé Mandem ankə bə mampetnsem ndũ nepém enen néri necha. ³⁶ Bo básókóti mbək yap, ne bádákáti nsem eyap ne bekpa. Báfýé báchák ngem amó ne mamese bhə amem bekerékenəj. ³⁷ Bátémti mbək ne batay baway, bákpót abhénéfú mbiŋ epay ne nsđ. Báwáy báchák ne bə akparenja. Mbək yap béré kə ne nkwo bhémén amuet mbə eyap nden, ne babhak ndu kecher. Bo béré chye bhə nenyok ne besəjəri menyú ne menyú. ³⁸ Báróbhe bóğóbóğ amem ebhi ne ndũ mmik njie, mámbese nəkə amem bəbasem ne amem babhok. Mmiki ne abhíkí kway nyaka nebhuet ane berítí bo mbə bhə bábhak are.

³⁹ Ğti neka enap, Mandem arem be bəbhə mankem bákú sayri. Yě nə, yě mmu wap amət ake bhəj menyij ebhen Mandem afyé bariep bechye bhə. ⁴⁰ Mandem abhəj nyaka menyij ebhen bérí béchá anti ntá yap, ne bə bechi ntá yese nkwo. Ne echi be besé ne bhə séchem nebhuet amət ke bese mankem sénkwáy ndũ yěntiki mbi besí Mandem.

12

Mandem änyure besé mbənyune achi Etayese

¹ Mbák chí bese, beyä batísie bakap bhese. Ndu echi nò, séndó ye yěntiki enyih ene énwòp bhese, ne bebú ebhen bégwòt bese, sénjet ntiet ane sébhóhó béjet ne ekíkí. ² Ndu séjèt, séntép amík amuet Yesu. Yí ke ánéné mbi be sembòh nēka ne yi. Ne yíre kě nēka enesé néjwi pòot mbò enyu nebhòhò bebhak. Aká nyaka begu ndū ekotákátí, abyák ntíánwóp ane achi ndu enyū newú enò, mbònyune arínjí nyaka be mañák achi ambi amen Mandem abhúré ntá yi. Néne, achí ebhe awónem Mandem ndu enókó kefð eyi.

³ Kaysí ka Yesu mmu bð bebú báre kà yi bebéptí menyih, yě nò ate kpirí ndū menyih ebhò menkem, be bati áké ném be amem, māmferè amò. ⁴ Ndú nenu enen mǎnù ne bebú, yě mmu yweka abhíkí re chye ntí ěti nenu enò. ⁵ Bǎghókóntik eyòh ene Mandem ághátí bhe mbò bðbhi ndu béfyè bhe ntí? Arem nyaka be
 “Mówa, óké sòt mbò eráká ndak,
 nenyure ane Acha ányùre wò,
 ne óké rò nti néném wò amem,
 mpok yi áchyè wò ntémsí.

⁶ Dínjí be Acha ányure mmu ane yi akòhò,
 ne àtemsi yěntiki mmū ane yí ásóré be móywi.”

⁷ Kép yé ka nti ndū esòhòri ene bǎghò. Chi mbi ane Mandem ányùre bhe. Eyò étòh be Mandem asòt be mbò bðbhi. Ntiki mmó etayi apu nyure yi mbák ákú ebéptí enyih? ⁸ Mbák Mandem apu nyure bhe mpok ane bǎkú ebéptí enyih mbò enyū yi ákù ne bðbhi mankem, nò bǎpú bðbhi tetep. Nò nò bǎchi chi mbò bð-enòh. ⁹ Ne ndu béròh ambi, mpok botáyese abhen fá amík báchyè bhese ntemsi ndū bekwéné ebhen sékù, séchyè bhò kenókó, ná ne etayese ane amfay? Sébhòh bechye yi mmu ábhóhó befóhó ebhese kenókó encha, ne chòh sémbòh nepém.

¹⁰ Botayese mányùre nyaka bhese ndu mómbiñi mpok mbò enyũ bó bághó be éri ntá yese. Mbák chi Mandem, nenyure ane yi ányùre bese achi ndu bekũ bhese beri mbonyune εγὼ ékwak bhese sembak nyáná mbò yímbõj.

¹¹ Yěntiki mpok ane mányùre mmu ébhak ntá yi mbò enyiñ ene ebhiki ri, puyě mbò ene eri. Ke ansem mpok, bo abhen bághókó enyiñ ekò mpok ane mányùre bhò, bákũ menyiñ ebhen bechi chak besí Mandem, ne kpák ábhak amem bati yap.

Enyũ bakojo Yesu babhõjõ bebhak

¹² Těndu bãriñi enyu εγὼ, kũ ka amò yweka ane áwèt ántáj ndu bekũ betik. Tě ka sené be bekak ebheka béké p̄ere wet gbagbãgbak. ¹³ Kò nókó ká ndũ babhi ane achi chak. Bo abhen bekak ebhap bébhíkí sene amik mánkóñó babhi yó, ne chõj mañok ayap ane ábhíkí tañ, ántañ.

¹⁴ Yěntiki mmu yweka ánú bebhak kpák ne bo mankem, anu bebhak nyáná besí Mandem, mbonyune mmu ane apu nyáná apú kway beghò Acha. ¹⁵ Kũ ká yěntiki enyiñ be yě mmu áké rò berĩndu Mandem memfuet yi. Kũ ka yěntiki enyiñ be yě mmu áké nen mbò kéngó-bechi. Menyũ bo bhò bátwò ne esõjõri mánchõñti bapém beyã bho. ¹⁶ Kũ ka yěntiki enyiñ be yě mmu yweka ake chwe ndũ barak epúsí ne be yě mmu áké bhák ane apu bhõj mpok ne Mandem, mbò Isau mmu átí kesénsí eki ntá manõ ane mónkwen ěti nchan nenyíé amat. ¹⁷ Bãbhõj beriñi be mpok ane yi ánán ákú nò, are yan be etayap ánjét yi mmu achi nsensi, ke etayap anisi mbonyune ábhíkí bhõj nyaka mbi beyibhiri enyiñ ene yi ákú yěndu mówu áyàn nyaka áfók ne babhese amík.

¹⁸ Tik ka nebhuet ane băté are ndu berõj kekwoť ne Mandem. Bãbhíkí te chi ndu nebhuet ane mmu ákway betok ne awó mbò enyũ bo Israel báté nyaka aneré-njie

Sináy, mángó nòkò ndũ ngó ádu amfây njie gum gum gum, bághó ejuri ene égiri pyòò ndu échwé, mban̄ keperé ghò, ne mbúép atanatan̄ ánu nòkò. ¹⁹ Ne bághók etanjí eyòjò mmba, ne bághók Eyòj Mandem nkwo. Becháy békém bò, bábhò menikmuet be Mandem andò berem kepi ne bhò, ²⁰ mbònyune enyij ene yi ághátí bhò chi enyij ene echa betan̄ ebhap. Äghàti nyaka bhò be

“Mbák mmu antòk njie-ne,
temtí ká yi ne batay mǎngwáy,
yě chi nnya, temtí ká wáy
mbák atòk njie ne.”

²¹ Enyij ene bò bághó ébhak enyij béchay tontó, kpát Moses yímbòj arem be,

“Mmuet äwet me gbagbǎghak ne becháy.”

²² Ke mbák chí bhe, bǎtwò kekwōt ne njie Síon ne yò chi etòk Mandem mmu achi nepém. Etòk eyò chi Yerúsalem ane amfay. Ngémtay bóàngel Mandem báchí aré ndũ epǎ manǎk. ²³ Bǎtwò ndũ echeme bõmbi Mandem abhen yi ásíjǐ manyén ayap amem ekáti eyi amfay. Bǎtwò ntá Mandem mmu átàn̄ bho mankem. Bǎtwò bǎchem ne befónó bo abhen bayambi bǎtwò. Chí befónó bo abhen bachi chak, abhen Mandem ákù bǎkwáy ndũ yěntiki mbi besí bhi. ²⁴ Bǎtwò ntá Yesu mmu áte nenti Mandem ne bõ mmik ke Mandem anyú nku nkò ne bhò. Bǎtwò ndũ manòj Yesu amen yi amyakati be amuet. * Manòj mi atéé ndu enyij ene érí echá ené manòj Ábel atee ndu ntí ywi. †

* **12:24** sékway berem be, Nebhõnet 4.10: “Manòj Yesu amen yí ámyákátí be amuet” mbònyune Yesu agũ nyaka be Mandem amfojori bebú bhese, ke newú Ábel nétwò nyaka chi ne ntémsí. † **12:24** Ábel ädì nyaka be mfay ankeme kembe: Ke manòj Yesu ädì be mfay angò bhese ntínso.

²⁵ Sot ká mpok be bǎke byak mmũ ane ághàti bhe menyìḡ ebhen. Bo Israel bǎchòk nyaka batú ntá mmu ane áyèp bhə batú fá amik. Mbák bó bápú kway nyaka bébue be báké chwe ndũ esəḡəri, nə chəḡ entəḡ mbəḡ encha be sémbúe mbák sébyàk mmu ane achi amfay, ne áyèp bhese batú? ²⁶ Ndu mpok eyə, Mandem ärem nyaka kepi, mmik anyikisi, ke néne afyé barièp be, “Chəḡ nkə mmik anyikisi ndəḡ achak gbogbögbok, ne puyě mmik yóyó, ke mfáy nkwo.” ²⁷ Eyəḡ ene be, “Ndəḡ achak” étəḡ bhese kpoḡoroḡ be chəḡ Mandem amferè menyìḡ ebhen békway menyikisi, menyìḡ menkem ebhen yi ághókó, be ebhen bepu nyikisi méndəp.

²⁸ Sénkáká ye Mandem mbənyune ákú be sémbák bo abhen yi achi Mfə wap, ne kefə eki kèpú ekem mmu ákway menyikisi. Ndu échí nə, sénchíe Mandem kenókó ekem kéchyè yi maḡák, sənsepti mmuet besí bhi, sémbəḡ becháy besí bhi, ²⁹ mbənyune Mandem ayese achí ngó ane ásəḡ yěntiki enyìḡ.

13

Manyé amen ngwenti

¹ Dók ká ambi bekəḡ bati ne ekəḡ ene bakoḡó Kristo.

² Bǎké nók besyepti mankwə, sayri mbənyune mbək bho básiepti nyaka mankwə ne éfákári be básiepti boáḡgel kerinḡ be chi boáḡgel. ³ Kaysí nókó ka bo abhen bǎchí ekerékenəḡ mbə be bǎchi are ne bhə. Kaysí nókó ka bo abhen batí bakwǎḡwəḡ bǎchye bhə esəḡəri, tëndu be nkwo bǎkwáy bebhəḡ esəḡəri bə bhə. ⁴ Bo mankem bǎbhəḡ bekem nebhay ne kenókó. Yěntiki ngəré abhəḡ bebhak tetep ne nném, yí kekwen berwəp, nném nkwo abhəḡ bebhak enyumət, mbənyune Mandem apú rə bétəḡ mmu ane ákú epúsí ne nkwené berwəp.

⁵ Bǎké nyie ekəŋ ne nkáp. Yěntiki mmu abhəŋ bebhak maŋák ne enyih ene yi ábhóŋó mbənyune Mandem yimbəŋ arem be,

“Mnú kway berə wə,
mnú kway beferə ntí ne wə.”

⁶ Ndu échí nə, sékwáy berem ne ntǐ nenkem be,

“Mandem Acha achi nkwak wa,
mnú chay yěnyih,
mmu ákway bekə me yi?”

⁷ Kaysí ka böbati bheka, bó bho bágħàti nyaka bhe Eyəŋ Mandem. Kaysí ká beri ebhen béfú ndü nepém enap, mǎmbəŋ neka ne Mandem mbə bhə. ⁸ Yesu Křisto achí enyumət eyu, ne echəŋ, ne mpoknkem. ⁹ Mbək bho bátəŋ menyih ebhen bechi bekə ne kekúrí. Bǎké rə ye menyih ebhen bó bátəŋ mémpókó bhe mǎngúré ebhi. Eri be berǐndu Mandem ménkə bati yeŋe antəŋ, puyě chí bebhé ěti nenyíé. Bebhé bhə bépú kwak bo abhen bákəŋə bhə.

¹⁰ Sébhəŋ éfémé akap ene bachiăkap abhen bákə nyaka betik amem etem bábħíkí bhəŋ ngāŋəŋ besət enyih are manyíé.

¹¹ Mǔŋgo bachiăkap əsət nyaka manəŋ nnya ane bǎwáy ndu bechye akap anchwe amem nebħəet ane áchí nyǎŋǎ anchye akap be Mandem amfoŋori bebú bhə. Ke mbák chi mbəŋ nnya ene bǎwáy, bǎfu nyaka etək ne yə ke mánsəŋ. Bǎpú səŋ yó amem etək.

¹² Enyu yə nkwo ke échí nyaka ne Yesu. Aghə nyaka esəŋori, agu chi nefí, puyě amem etək. Akə nə be manəŋ mi ankə bo mǎmbák nyǎŋǎ.

¹³ Sémfú yeka amem etək sendək sentemeri yi nefí, sémbəŋ ntíanwəp ané yi ábhóŋó nyaka.

¹⁴ Séndók mbənyune sebhiki bhəŋ etək ene ebhak mpoknkem fá amik. Séyàŋ chi etək ene ebhəŋə bétwə.

¹⁵ Ndũ nnyén Yesu, sénchíe nókó Mandem bakak mbò aywese akap. Akap wu chí nerem ane sérem ne manyu yese be yi ke achi Acha.

¹⁶ Bǎké rǎ bekw bəri, ne bekwak bati ne menyih ebhen bǎbhǎǎ. Enyũ akap wu ke Mandem ábhǎǎ maǎǎk ne wu.

¹⁷ Ghók nókó ka bǎbati bheka, mǎmbóǎ neseptimuet besí bhap, mbǎnyune bǎ ke báyihǎ bhe, mbò bo abhen bǎbhǎǎ bégǎtí Mandem enyu bǎ bákémé bhe. Ghók nókó kǎ bhǎ be mǎnkǎ betik ebhap ne maǎǎk, ne be bǎ báké bhǎǎ kesóti.

¹⁸ Ník nókó kǎ mmuet ěti yese. Sérǎǎ be bati yese achi pépép, ne séyǎǎ bebhak chak ndũ yǎntiki enyih ene sékǎ.

¹⁹ Nchí ghati bhe ne nti ena nenkem be mǎník nókó mmuet ěti ya be Mandem ankwak me mpet ntwǎ ntǎ yeka mandú mpok.

Nenikimuet enen mmu ane asijí ekáti ene

²⁰ Mandem mmu ákǎ be bati ayese ambak amem kpák, ámbák ne bhe. Yi ke ákǎ Acha yese Yesu Kristo áfú ndũ nǎwú, apetnsem ndũ nepém. Yi, Yesu, chi Mbabheri bǎghǎǎǎmǎn ngo, ane ábhabheri bo Mandem mankem. Échí enyu yǎ mbǎnyune manǎǎ emi arǎǎ nyaka amik ndu bekw be nku ane Mandem ányú ne bo ánté mpoknkem.

²¹ Mandem ányché bhe yǎntiki erítí enyih, be mǎnkǎǎ nókó menyih ebhen yi áyǎǎ mǎnkǎ. Mandem ankǎ Yesu Kristo ankwak be mǎnkǎ nókó menyih ebhen béchye yi maǎǎk. Sénchíe Yesu Kristo bakak mpoknkem ěti keném eki. Amen.

Beyǎǎ ngwenti

²² Bǎma, mpet nchí ghati bhe be mǎnsǎt eyǎǎ eya ene nsijí ndu béfyé bhe nti ne ekébhénti. Mbíkí siǎ eróri ekáti.

²³ Nchí yaŋ mǎndiŋi be báféré mǎmáyeŋe Tímoti ekerékenŋ. Mbák yi antwə ayak, chəŋ ntwó ne yi ndu beghə bhe.

²⁴ Kaká ká bǒbati bheka mankeŋ, ne bo Mandem báchák mankeŋ. Bǒnkwə abhen báfú Itali bító bhe bakak.

²⁵ Berindu Mandem mémbak ne bhe mankeŋ.

Ekáti Nku Nkó New Testament in Kenyang (CM:ken:Kenyang)

copyright © 2010 Wycliffe Bible Translators, Inc.

Language: Kenyang

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kenyang

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 9 Sep 2021 from source files dated 19 Aug
2021
0a400be4-2dfe-565d-bdea-5f3d59d48520